

Уәкілетті экономикалық оператордың халықаралық тасымалдайтын көлік құралының тану белгісін бекіту туралы

Күшін жойған

Қазақстан Республикасы Қаржы министрінің 2017 жылғы 8 ақпандағы № 89 бұйрығы. Қазақстан Республикасының Әділет министрлігінде 2017 жылғы 24 ақпанда № 14834 болып тіркелді. Күші жойылды - Қазақстан Республикасы Қаржы министрінің 2018 жылғы 22 қаңтардағы № 42 бұйрығымен

Ескерту. Күші жойылды – ҚР Қаржы министрінің 22.01.2018 № 42 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

"Қазақстан Республикасындағы кеден ісі туралы" 2010 жылғы 30 маусымдағы Қазақстан Республикасы Кодексінің 65-бабы 6-тармағына сәйкес **БҰЙЫРАМЫН** :

1. Уәкілетті экономикалық оператордың халықаралық тасымалдайтын көлік құралының тану белгісі бекітілсін.

2. Қазақстан Республикасы Қаржы министрлігінің Мемлекеттік кірістер комитеті (А.М. Теңгебаев) заңнамада белгіленген тәртіппен:

1) осы бұйрықтың Қазақстан Республикасының Әділет министрлігінде мемлекеттік тіркелуін және оның ресми жариялануын;

2) осы бұйрықтың Қазақстан Республикасы Қаржы министрлігінің интернет-ресурсында орналастырылуын қамтамасыз етсін.

3. Осы бұйрық алғашқы ресми жарияланған күнінен кейін он күнтізбелік күн өткен соң қолданысқа енгізіледі.

Министр

Б. Сұлтанов

Қазақстан Республикасы
Қаржы министрінің
8 ақпандағы
№ 89 бұйрығымен
бекітілген

Уәкілетті экономикалық оператордың халықаралық тасымалдайтын көлік құралының тану белгісі



Ескертпе:

Көк түсті материалдың үстіне ақ түсті бояумен жазылған "АЕО" әріптер жазбасын (әріптер: биіктігі – 200 мм; әріп штрихының қалыңдығы – 20 мм) білдіреді.

Барлық символдар атмосфералық жағдайлардың әсерінен түсін өзгертпейтін және көлік құралын пайдалану процесінде өшпейтін, суға тұрақты бояумен жазылады.

Уәкілетті экономикалық оператордың халықаралық тасымалдайтын көлік құралының тану белгісі:

1) көлік құралының алдыңғы бөлігінде – қозғалыс бағыты бойынша кабинаның оң жақ төменгі бұрышына;

2) көлік құралдың артқы бөлігінде – қозғалыс бағыты бойынша шанақтың артқы бортының төменгі сол жақ бұрышына орналастырылады.